


責任編輯：孫言誠 賀 偉

ISBN 7-5333-0580-9



9 787533 305802 >

四庫全書存目叢書·經部一八三

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 50.875 印張

1997 年 3 月第 1 版 1997 年 3 月第 1 次印刷

印數 1—100

ISBN 7-5333-0580-9

Z·55 經部定價：66000 圓

經部第一八三冊目次

經部·樂類

律呂古義三卷

〔明〕呂懷撰
上海圖書館藏明嘉靖刻本

.....一

李氏樂書六種二十卷

〔明〕李文察撰
福建省圖書館藏明嘉靖刻本

.....六七

律呂正聲六十卷

〔明〕王邦直撰
北京大學圖書館藏明萬曆三十六年黃作孚刻本

.....三七七

律呂正論四卷

〔明〕朱載堉撰
北京師範大學圖書館藏明萬曆刻本

.....七二七

律呂質疑辨惑一卷

〔明〕朱載堉撰
北京師範大學圖書館藏明萬曆刻本

.....七九三

律呂古義三卷

〔明〕呂懷撰

上海圖書館藏明嘉靖刻本

附《四庫全書總目·律呂古義

三卷》提要

刻律呂古義附言

嘉靖戊申冬巾石先生嘗授愚律呂古義說既乃究極初末頗徹肯綮請益于先生曰知此說者其於天下古今萬事萬物之理引伸觸類若網在綱有條不紊乎先生欣然曰夫易開物成務之書也子繫之曰一陰一陽之謂道周官舉三公之職亦曰論道經邦變理陰陽何莫非道何莫非陰陽通乎陰陽之故可以語心可以知性可以達天可以酬酢萬變位育參贊恢恢乎有餘地矣爰取律呂古義十篇及雜說諸篇以詔愚曰子試嘗諸愚退而翻閱彌月仍博取禮經傳語及漢宋百君子言考衷之益知先生德性醇厚基宇廓清妙解神悟蓋黜師曠之聰而有聞者執是以往大樂其

有興乎愚也夙聞先生言曰樂經散亡已久其微言與旨猶流傳至今不亡自武王革命應時三宮七律之樂起自蕤賓之羽夾鍾之宮而黃鍾元聲下始夷則之角漢世諸儒銳於復古而不務窮本知變竟以武樂清宮雜施古律及不可通則又牽合附會遂使簫韶之音不復有聞於後世也昔者宋程明道先生

律呂義序

二

嘗欲補正樂經未就然則謂先生古義之作有以繼明道之志也不可哉蓋嘗論之義曰律本即律書黃鍾之實也九之三之而寸分釐毫絲忽與夫損益三分之法備則一十七萬七千一百四十七非所以爲黃鍾之實可知矣律變者律書生鍾分也消之長之而倍實四實之數定則蕤賓以下不可以爲上生大

呂諸陰可知矣候氣紀之以三則同心一統之義明而臣民事物陵奪靡從而起納音平之以六則娶妻生子之道著錯綜參伍二變何由以生於是以之攷聲則旋宮納音相應相成如出一轍以之均調則五聲十二律起調畢曲同歸本原名以義起律義正則上下生應老少配納可不言而定氣爲數始律數得

律呂義序

三

則空圖長方乘除積實有不辯而明八方八節宣調有音齊量度數盈縮有制長短廣狹輕重多寡通於天而天下不可欺以私臆此之謂器準器準立而大樂不能外也然要之律之爲率爲考爲量爲度爲均爲紀爲平莫非陰陽不易之則而天地日月四時鬼神皆有所不能違者此之謂天道州鳩之言備矣是

故述天道而古義之言其足徵也夫夫律以和樂由心生參天兩地而流通無間者吾心中和之德也故不通于人心之極不可以語造化之原匪達于聲氣之先不可與道音律之妙先生學積功深義精理一是以言符聖經道孚元始因則因前則前無執執無牽附千百載鉛槧沿襲之舊一祛而灑然矣豈非

律呂直義序

四一

古今一大快哉明年冬先生門人俞生廷紳輩謀鋟諸梓屬愚爲序愚也庸見淺識固不敢謂聞知樂律然先生之說蓋嘗面質詳辯無或恣憑扞格之疑輒敢不辟僭妄敬書簡末以俟後之君子云

嘉靖庚戌二月之望門人義烏上宗聖頓首謹序

律呂古義目錄

總叙

圖

十二律本天地陰陽之始圖

五音本天地陰陽之始圖

十二律相生相應同心一統圖

十二律納音隔八娶妻生子圖

十二律納音六十圖

六十音成方十二圖

律呂古義目錄

前一

律呂旋宮納音體用一原圖

卷上

律本第一 律變第二 候氣第三

納音第四 攷聲第五 均調第六

卷中

律義第七 律數第八 器準第九

天道第十

卷下

雜說內篇 雜說外篇 答問 目錄終

律呂古義總叙

大哉律乎其天地陰陽之中乎民之所受以生
以為心者乎方其陰陽未形渾淪一中天地萬
物敦化統同樂之本也及其陰陽既形天地化
生高下散殊禮制肇興禮備而樂生矣是故聖
人察天地之中法陰陽之變以為之律文之五
聲播之八音奏之郊廟用之朝廷以宣八方之
風以平天下之情於是天命人心流行不息合
化同風萬殊統一聖人有樂之用其律之所為

律呂古義總叙

一

乎吾聞律有十二六為律六為呂律法也律以
統氣類物呂侶也呂以助陽宣氣為道不同其
中一也是故冬至子中太陽陽生日光在地聚
以為聲是曰黃鍾英古文光黃从日以光聲鍾
釋名空也內空正氣多故聲
大呂者太陽陽呂以太陰之陽之陰納丑上
侶於太陽之陽者也雨水寅中少陰陽生萬物
奏地而出是曰太簇夾鍾者少陰陽鍾以少陽
之陰納卯蕤輔少陰之陽也穀雨辰中少陰陰
之陽生為太陰先是曰姑洗姑說文夫母有太
陰之義洗先也

仲呂者中陽之呂以太陰之陰納已上侶於少

陰之陰之陽也夏至午中太陰陽生草木之實

蕤蕤陽在外也故曰蕤賓賓主內外
之辭也林鍾者太

陰陽鍾也以太陽之陽之陰納未蕤助太陰之

陽也處暑申中少陽陽生太陽在地上夷天則

是曰夷則南呂者少陽陽呂以少陰之陰納酉

侶於少陽之陽也霜降戌中少陽陰之陽生日

𤄎在戌陽無餘氣是曰無射應鍾者少陽陰之

陽鍾以太陽之陰納亥上應少陽之陰之陽也

律呂古義總叙

二

然律呂有六氣之惟三律陽也陽之陽三太陽
之陽黃鍾之宮子少陽之陽夷則之宮申少陰
之陰之陽姑洗之宮辰陽之陰三少陰之陽太
簇之宮寅太陰之陽蕤賓之宮午少陽之陰之
陽無射之宮戌陰之陽三太陽之陰應鍾之宮
巳少陽之陰夾鍾之宮酉太陽之陽之陰林鍾
之宮丑陰之陰三太陰之陰仲呂之宮亥少陰
之陰南呂之宮卯太陰之陽之陰大呂之宮未
傳曰五聲之本生於黃鍾之律九寸為宮損益

以定商角徵羽九六相生陰陽相應有三統之義焉是故聖人爲之旋宮之制冬至太陽之陽律起黃鍾之宮其積五百三十一萬萬四千四百一十萬下生太陽陽之陰呂林鍾之宮徵太陽陽之陰呂上生少陰陽律太簇之宮商少陰陽律下生少陰陰呂南呂之宮羽少陰陰呂上生少陰陰之陽律姑洗之宮角而黃鍾太陽之均備矣於是少陰陰之陽律起姑洗之宮其積四百一十九萬萬九千四百四十萬下生太陽陰

律呂義總叙

三

呂應鍾之宮徵太陽陰呂上生太陰陽律蕤賓之宮商太陰陽律下生太陰陽之陰呂大呂之宮羽太陰陽之陰呂上生少陽陽律夷則之宮角而姑洗中陽之均備矣於是少陽陽律起夷則之宮其積三百三十一萬萬七千七百四十萬下生少陽陰呂夾鍾之宮徵少陽陰呂上生少陽陰之陽律無射之宮商少陽陰之陽律下生太陰陰呂仲呂之宮羽太陰陰呂上生夷則音角歸太陽陽律黃鍾之宮而三分損益之法

不行焉此旋宮所以止於仲呂而不返而夷則少陽之均終焉然律紀三均音通五氣是故黃鍾太簇姑洗蕤賓夷則無射之宮爲六戊六壬爲太陽之陽六丙爲太陽之陰六甲爲少陰之陽六庚爲少陰之陰太陽之陽爲羽太陽之陰爲徵少陰之陰爲商少陰之陽爲角大呂夾鍾仲呂林鍾南呂應鍾之宮爲六巳六癸爲太陰之陰六丁爲太陰之陽六乙爲少陽之陰六辛爲少陽之陽太陰之陰爲羽太陰之陽爲徵少

律呂義總叙

四

陽之陰爲角少陽之陽爲商傳曰天有五行地有六氣五六者天地之中合也是故聖人爲之納音之制歲天正冬至日甲起子坤與震交有太陰庚金之化故黃鍾甲子納音首商其呂曰乙丑乙丑金隔八生夷則壬申金其呂曰癸酉癸酉金隔八生姑洗庚辰金其呂曰辛巳爲商三辛巳隔八爲戊子氣行少陰丙火故黃鍾戊子納音次徵其呂曰巳丑巳丑火隔八生夷則丙申火其呂曰丁酉丁酉火隔八生姑洗甲辰

火其呂曰乙巳爲徵三乙巳隔八爲壬子氣行
少陽甲木故黃鍾納音次角其呂曰癸凡癸丑
木隔八生夷則庚申木其呂曰辛酉辛酉木隔
八生姑洗戊辰木其呂曰巳巳爲角三巳巳隔
八爲丙子氣行太陽壬水故黃鍾納音次羽其
呂曰丁丑丁丑水隔八生夷則甲申水其呂曰
乙酉乙酉水隔八生姑洗壬辰水其呂曰癸巳
爲羽三癸巳隔八爲庚子氣行中央戊土故黃
鍾納音次宮其呂曰辛丑辛丑土隔八生夷則

律呂義總叙

五

戊申土其呂曰巳酉巳酉土隔八生姑洗丙辰
土其呂曰丁巳爲宮三而三陽甲子之音備矣
夏至日甲起午乾與巽交有太陽辛金之化故
蕤賓甲午納音首商其鍾曰乙未乙未金隔八
生太簇壬寅金其鍾曰癸卯癸卯金隔八生無
射庚戌金其鍾曰辛亥爲商三辛亥隔八爲戊
午氣行少陽丁火故蕤賓納音次徵其鍾曰巳
未巳未火隔八生太簇丙寅火其鍾曰丁卯丁
卯火隔八生無射甲戌火其鍾曰乙亥爲徵三

乙亥隔八爲壬午氣行少陰乙木故蕤賓納音
次角其鍾曰癸未癸未木隔八生太簇庚寅木
其鍾曰辛卯辛卯木隔八生無射戊戌木其鍾
曰巳亥爲角三巳亥隔八爲丙午氣行太陰癸
水故蕤賓納音次羽其鍾曰丁未丁未水隔八
生太簇甲寅水其鍾曰乙卯乙卯水隔八生無
射壬戌水其鍾曰癸亥爲羽三癸亥隔八爲庚
午氣行中央巳土故蕤賓納音次宮其鍾曰辛
未辛未土隔八生太簇戊寅土其鍾曰巳卯巳


律呂義總叙

六

卯土隔八生無射丙戌土其鍾曰丁亥爲宮三
而三鍾甲午之音備矣傳曰樂均紀之以三平
之以六成於十二天之道也窮本知變則天道
在我萬理一理萬心一心生生不窮合化統同
此之謂聖神功化之極此之謂盡性至命之終
畫律呂七圖并著古義十篇

嘉靖己酉仲冬永豐呂懷叙

五音本天陰陽之始圖



二十律本天陰陽之始圖



應同一心統一圖



二十律相生相律圖



八娶妻生子圖




二十律納音隔



音十六圖




二十律納音




圖二十方


成音十六



圖之原一用體



音納宮旋呂律



律呂古義卷上

永豐呂懷著

門人俞廷猷劉光漢編輯

門人劉悌葉獻芝纂正

門人鄭煜葉茂芝校錄

律本第一

子一

一為寸黃鍾長一乘空圍一得之太極元氣
函三為一陰陽五行之本五聲六律十二管

律呂古義上

之宗潛乎上下默運損益太和元氣之所鍾

也一函三三函九凡為一寸之分者九命曰

黃鍾之律寸分釐毫絲忽之統也

丑三

置黃鍾之一而三之長乘空圍凡得三寸之

分者三而黃鍾損益寸法具矣三其法生分

一者函三以為一三者分
一以為三體用之道也

寅九

九為分分者寸之分也置黃鍾之一而九之

圍方九分長九寸十分分乘圍方九分為

分九寸得黃鍾之分通積八百一十凡為九

分之分者九十合黃鍾積分之實空圍九分
為法乘長

九十分得積分
數餘律做此

卯二十七

黃鍾之寸十分分乘圍方九分二十七方分

積長三分為分黃鍾通積八百一十分凡為

二十七分之分者三十而黃鍾損益分法具

矣三其法生釐積實三分為法歸除八百一
十分得積分分數餘呂做此

律呂古義上

辰八十一

八十一為釐釐理也分之分也黃鍾長九百

釐圍方九分分九釐方八十一釐為分長乘

圍方得黃鍾通積七萬二千九百釐凡為八

十一釐之分者九百合黃鍾積釐之實

巳二百四十三

黃鍾之分十釐釐乘圍方八十一釐方二百

四十三釐積長三釐為分黃鍾之釐通積七

萬二千九百凡為二百四十三釐之分者三

百而黃鍾損益釐法具矣三其法生毫

午七百二十九

七百二十九為毫毫長銳毛也釐之分也黃
鍾長九千毫圍方八十一釐釐九毫方七百
二十九毫為分長乘圍方得黃鍾通積六百
五十六萬一千毫凡為七百二十九毫之分
者九千合黃鍾積毫之實

未二千一百八十七

黃鍾之釐十毫毫乘圍方七百二十九毫方

律呂古義一

主一

二千一百八十七毫積長三毫為分黃鍾之
毫通積六百五十六萬一千凡為二千一百
八十七毫之分者三千而黃鍾損益毫法具
矣三其法生絲

申六千五百六十一

六千五百六十一為絲絲蠶所吐也毫之分
也黃鍾長九萬絲圍方七百二十九毫毫九
絲方六千五百六十一絲為分長乘圍方得
黃鍾通積五萬九千〇四十九萬絲凡為六

千五百六十一絲之分者九萬合黃鍾積絲
之實

酉一萬九千六百八十三

黃鍾之毫十絲絲乘圍方六千五百六十一
絲方一萬九千六百八十三絲積長三絲為
分黃鍾之絲通積五萬九千〇四十九萬六
凡為一萬九千六百八十三絲之分者三萬
而黃鍾損益絲法具矣三其法生忽

戌五萬九千〇四十九

律呂古義上

四一

五萬九千〇四十九為忽忽者絲之分數具
而非目力可察也黃鍾長九十萬忽圍方六
千五百六十一絲絲九忽方五萬九千〇四
十九忽為分長乘圍方得黃鍾通積五百三
十一萬萬四千四百一十萬忽凡為五萬九
千〇四十九忽之分者九十萬合黃鍾積忽
之實

亥一十七萬七千一百四十七

黃鍾之絲十忽忽乘圍方五萬九千〇四十

九忽得黃鍾之長一忽方一十七萬七千一百四十七忽積長三忽爲分黃鍾通積五百三十一萬萬四千四百一十萬忽凡爲一十七萬七千一百四十七忽之分者三十萬而黃鍾損益忽法具矣

右律書黃鍾之實律書曰置一而九三之以爲法實如法得一寸凡得九寸命曰黃鍾之律今按一爲一寸凡爲一寸之分者九三爲三寸凡爲三寸之分者三

律呂古義上

五

九爲一分凡爲一分之分者九十二十七爲三分凡爲三分之分者三十八十一爲一釐凡爲一釐之分者九百二十四十三爲三釐凡爲三釐之分者三百七十九爲一毫凡爲一毫之分者九千二百一十一爲三毫凡爲三毫之分者三萬六千一百六十一爲一絲凡爲一絲之分者九萬一萬九千六百八十絲凡爲三絲之分者三萬五萬

九千〇四十九爲一忽凡爲一忽之分者九十萬一十七萬七千一百四十七爲三忽凡爲三忽之分者三十萬是故置一而九三之而黃鍾寸分釐毫絲忽之實三分損益相生之道備矣述律本

律變第二

子一分

黃鍾通積之實五百三十一萬萬四千四百一十萬凡章內積數並以忽言通損益也候氣納音考聲做此

律呂古義上

六

丑三分二

黃鍾之實三分分一百七十七萬萬一千四百七十萬二分得黃鍾下生林鍾之實三百五十四萬萬二千九百四十萬

寅九分八

黃鍾之實九分分五十九萬萬〇四百九十二萬八分得林鍾上生太簇之實四百七十二萬萬三千九百二十萬

卯二十七分十六

黃鍾之實二十七分一分一十九萬萬六千八百
百口三萬十六分得太簇下生南呂之實三
百一十四萬萬九千二百八十萬

辰八十一分六十四

黃鍾之實八十一分一分六萬萬五千六百一
十萬六十四分得南呂上生姑洗之實四百
一十九萬萬九千四百四十萬

巳二百四十三分一百二十八

黃鍾之實二百四十三分分二萬萬一千八

律呂古義上

七

百七十萬一百二十八分得姑洗下生應鍾
之實二百七十九萬萬九千三百六十萬

午七百二十九分五百一十二

黃鍾之實七百二十九分分七千二百九十
萬五百一十二分得應鍾上生蕤賓之實三
百七十三萬萬二千四百八十萬

未二千一百八十七分一千〇二十四

黃鍾之實二千一百八十七分分二千四百
三十萬一千〇二十四分得蕤賓下生大呂

之實二百四十八萬萬八千三百二十萬
申六千五百六十一分四千〇九十六

黃鍾之實六千五百六十一分分八百一十
萬四千〇九十六分得大呂上生夷則之實
三百三十一萬萬七千七百六十萬

酉一萬九千六百八十三分八千一百九十二

黃鍾之實一萬九千六百八十三分分二百
七十萬八千一百九十二分得夷則下生夾
鍾之實二百二十一萬萬一千八百四十萬

律呂古義上

八

戌五萬九千〇四十九分三萬二千七百六十

八

黃鍾之實五萬九千〇四十九分分九十萬
三萬二千七百六十八分得夾鍾上生無射
之實二百九十四萬萬九千一百二十萬

亥一十七萬七千一百四十七分六萬五千五

百三十六

黃鍾之實一十七萬七千一百四十七分分
三十萬六萬五千五百三十六分得無射下

生仲呂之實一百九十六萬萬六千〇八十萬

右律書生鍾分律書術曰以下生者倍其

實三其法以上生者四其實三其法今

按實一倍而爲二二四而爲八八倍而

十六十六四而六十四六十四倍而一

百二十八一百二十八四而五百一十

二百一十二倍而一千〇二十四一

千〇二十四四而四千〇九十六四千

律呂義上

九

〇九十六倍而八千一百九十二八千

一百九十二四而三萬二千七百六十

八三萬二千七百六十八倍而六萬五

千五百三十六法一其三得三三其三

得九三其九得二十七三其二十七得

八十一三其八十一得二百四十三三

其二百四十三得七百二十九三其七

百二十九得二千一百八十七三其二

千一百八十七得六千五百六十一三

其六千五百六十一得一萬九千六百

八十三三其一萬九千六百八十三得

五萬九千〇四十九三其五萬九千〇

四十九得一十七萬七千一百四十七

而損益相生之道畢矣記曰聲相應故

生變上下相生損益相應變之道也述

律變

候氣第三

惟冬至十有一月中太陽陽生律中黃鍾之宮

律呂義上

十一

空圍九分長九寸積八百一十分通積五百

三十一萬萬四千四百一十萬是爲律本宮

起黃鍾太陽戊子元統首

大寒十二月中太陽之陽下生太陽之陽之陰

律中巳丑林鍾之宮如法倍黃鍾之實積三

百五十四萬萬二千九百四十萬氣應黃鍾

之宮徵

倍實四實
如法見上

雨水正月中太陽陽之陰上生少陰之陽律中

戊寅太簇之宮如法四林鍾之實積四百七